



საქართველოს იუსტიციის უმაღლესი საბჭო

ქ. თბილისი № 1/12

“ 7 ” თებერვალი 2023 წ.

ბ ა ნ კ ა რ ბ უ ლ ე ბ ა

**ზ. რამიშვილის ქუთაისის სააპელაციო სასამართლოს
მოსამართლის თანამდებობაზე უვადოდ გამწესების შესახებ**

„საერთო სასამართლოების შესახებ“ საქართველოს ორგანული კანონის 36-ე მუხლის მე-4 და 4¹ პუნქტების საფუძველზე და საქართველოს იუსტიციის უმაღლესი საბჭოს მდივნის თანდართული დასაბუთების შესაბამისად, ზაზა რამიშვილი 2023 წლის 15 თებერვლიდან გამწესდეს ქუთაისის სააპელაციო სასამართლოს სამოქალაქო საქმეთა პალატის მოსამართლის თანამდებობაზე უვადოდ, კანონით დადგენილი ასაკის მიღწევამდე.

ნინო ქადაგიძე

საქართველოს უზენაესი სასამართლოს თავმჯდომარე
საქართველოს იუსტიციის უმაღლესი საბჭოს თავმჯდომარე

დასაბუთება

ზაზა რამიშვილის ქუთაისის სააპელაციო სასამართლოს სამოქალაქო საქმეთა პალატის მოსამართლის თანამდებობაზე დანიშვნის თაობაზე

„საერთო სასამართლოების შესახებ“ საქართველოს ორგანული კანონის 35-ე მუხლის საფუძველზე საქართველოს იუსტიციის უმაღლესი საბჭოს მიერ 2022 წლის 25 ნოემბრის №1/130 განკარგულებით გამოცხადდა მოსამართლეობის კანდიდატთა შესარჩევი კონკურსი საერთო სასამართლოების სისტემაში არსებულ ვაკანსიებზე. მათ შორის ქუთაისის სააპელაციო სასამართლოს სამოქალაქო საქმეთა პალატის მოსამართლის 2 ვაკანტურ თანამდებობაზე.

კანდიდატთა რეგისტრაცია მიმდინარეობდა 2022 წლის 28 ნოემბრიდან 14 დეკემბრის ჩათვლით. მითითებულ ვაკანსიაზე დარეგისტრირდა 3 კანდიდატი.

2022 წლის 20 დეკემბრიდან 2023 წლის 9 იანვრამდე მოსამართლის საქმიანობის შეფასების მართვის დეპარტამენტის მიერ კონკურსში მონაწილე კანდიდატებზე, მათ შორის ზაზა რამიშვილზე მოძიებულ იქნა „საერთო სასამართლოების შესახებ“ საქართველოს ორგანული კანონის 35² მუხლით გათვალისწინებული ინფორმაცია, რომელიც იუსტიციის უმაღლესი საბჭოს წევრებს წარედგინათ 9 იანვარს.

კანდიდატის შესახებ მოძიებული ინფორმაცია:

ზაზა რამიშვილს აქვს სპეციალობით მუშაობის 38-წლიანი, მათ შორის მოსამართლედ მუშაობის 36-წლიანი გამოცდილება. იგი 1987 წლიდან არის საერთო სასამართლოების მოსამართლე. ზაზა რამიშვილი სხვადასხვა დროს იყო ქარელისა და ზუგდიდის რაიონული სასამართლოების მოსამართლე. ამჟამად იგი არის ხაშურის რაიონული სასამართლოს მოსამართლე.

მოსამართლედ მუშაობის პერიოდში მის მიმართ არ დაწყებულა დისციპლინური დევნა, არ ყოფილა გამოყენებული დისციპლინური სახდელი ან დისციპლინური ზემოქმედების ღონისძიება.

კანდიდატთან გასაუბრება:

საბჭოს წევრების მიერ კანდიდატების შესახებ მოძიებული ინფორმაციის გაცნობის შემდეგ დაინიშნა კანდიდატებთან გასაუბრება. საბჭოს წევრები კანდიდატ ზაზა რამიშვილს გაესაუბრნენ 25 იანვარს. გასაუბრება წარიმართა ღია სხდომაზე.

კანდიდატის შეფასება:

2023 წლის 27 იანვრიდან 2 თებერვლის ჩათვლით პერიოდში იუსტიციის უმაღლესი საბჭოს 10-მა წევრმა კანდიდატი ზაზა რამიშვილი შეაფასა კომპეტენტურობისა და კეთილსინდისიერების კრიტერიუმების მიხედვით.

ზაზა რამიშვილის კეთილსინდისიერების კრიტერიუმით შეფასებისას, საბჭოს შემფასებელმა ათივე წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს.

საბჭოს წევრთა მიერ ზაზა რამიშვილის კომპეტენტურობის კრიტერიუმით შეფასებისას ამ კრიტერიუმების მახასიათებლების მიხედვით კანდიდატის მიერ მოპოვებულმა ქულათა ჯამმა შეადგინა 854 ქულა, რაც ქულების მაქსიმალური რაოდენობის 85,4%-ია.

კენჭისყრის შედეგები:

2023 წლის 7 თებერვალს ქუთაისის სააპელაციო სასამართლოს სამოქალაქო საქმეთა პალატის მოსამართლის პირველ ვაკანსიაზე ჩატარებული კენჭისყრის შედეგად, რომელშიც მონაწილეობა საბჭოს 10-მა წევრმა მიიღო, ზაზა რამიშვილმა მოიპოვა 10 ხმა.

აღნიშნულ ვაკანსიაზე კენჭისყრის ბიულეტენში შეყვანილ იქნა 3 კანდიდატი, მათგან 1 ყოფილი მოსამართლე და 2 მოქმედი მოსამართლე, კერძოდ:

1. ზვიადაძე გიორგი - 0 ხმა
2. ლოზჟანიძე გიორგი - 0 ხმა
3. რამიშვილი ზაზა - 10 ხმა

დასკვნა:

კანდიდატის - ზაზა რამიშვილის კეთილსინდისიერების და კომპეტენტურობის (წერისა და ზეპირი კომუნიკაციის უნარის, პროფესიული თვისებების) კრიტერიუმების გათვალისწინებით, კენჭისყრის შედეგების საფუძველზე, სხვა 2 კანდიდატთან შედარებით უპირატესობა მიენიჭა და ქუთაისის სააპელაციო სასამართლოს სამოქალაქო საქმეთა პალატის მოსამართლის თანამდებობაზე უვადოდ განწესდა ზაზა რამიშვილი.

ნიკოლოზ მარსაგიშვილი

საქართველოს იუსტიციის
უმალესი საბჭოს მდივანი